



Inoltrar online dumondas a l'Uffizi da migraziun e da dretg civil (UMDC) dal Grischun:

Dumondas frequentas (FAQ)

En quest document chattais Vus respostas a dumondas frequentas davart l'inoltraziun online da dumondas (spurtegl online) al UMDC GR. Sche Vossa dumonda na po betg vegnir respundida, pudais Vus As drizzar directamain a la controlla d'abitants cumpetenta da Vossa vischnanca da domicil.

- Pertge spurtegl online?
 - Per nus è l'elavuraziun da las datas pli simpla e la dumonda po vegnir tractada pli svel. Nus engraziain per far diever da questa purschida.
- Co funcziuna il spurtegl online?
 - Cun ina procedura da dialog maina il spurtegl online Vus tras differentas paginas (p.ex. indicaziuns da la petenta u dal petent, indicaziuns davart il patrun, la scola e.u.v.), nua che Vus pudais endatar las datas resp. chargiar si ils documents correspundents. A la fin pudais Vus anc ina giada controllar las datas, avant che Vus las transmettais en furma electronica. In login u ulteriuras datas d'access n'èn betg necessaris.
- Jau sun a l'exteriur. Poss jau tuttina far diever dal spurtegl online ed inoltrar ina dumonda?
 - Il spurtegl online stat er a disposiziun a l'exteriur.
- Nua chat jau mes numer da SIMIC?
 - Il numer da SIMIC sa chatta sin la vart davos dal document da legitimaziun da personas estras. Tar ils avis da scadenza sa chatta il numer SIMIC sisum a dretga. Sche Vus entrais per l'emprima giada en Svizra, n'avais Vus anc nagin numer SIMIC.
- Stoss jau inditgar cumpletamain mias persunalias en il spurtegl online?
 - Gea. Tant il prenum sco er il num da famiglia ston vegnir endatads tenor la carta d'identidad u tenor il passaport.
- Tge signifitgan las stailinas (*) suenter las inscripziuns dals champs?
 - Ils champs e/u ils documents cun ina stailina (*), ston en mintga cas vegnir respundids resp. inoltrads. Indicaziuns che mancan, vegnan marcadadas cun cotschen.
- Tge formats da datoteca pon ins utilizar per las agiuntas?
 - Per motivs da segirezza èn permessas mo datotecas PDF. Sch'igl è avant maun in auter format da datoteca, pon ils documents vegnir scannads cun l'app DocCapture ubain sto vegnir generada ina datoteca PDF.

- Tge è GR Doc Capture?
 - L'app GR Doc Capture è ina applicaziun mobila per smartphones e tablets. Vus la pudais duvrar per scannar las agiuntas. L'utilisaziun da l'app è simpla: Chargiai l'app «GR DocCapture» sin Voss apparat mobil e legiai il code QR. Scannai silsunter ils documents che Vus vulais transmetter cun Voss telefonin resp. cun Voss tablet. Uschespert che Vus essas a fin, cliccai sin «Trametter il document». Voss document cumpara automaticamain sin Voss computer. En in document pon vegnir scannadas pliras paginas a medem temp. Per quest intent As stat a disposiziun la funcziun «Ulteriuras paginas».

- Na dovri naginas sottascripziuns?
 - Na. Cun inoltrar las agiuntas necessarias As identifitgais Vus senza u sez e perquai pon ins desister d'ina sottascripziun.

- Poss jau interromper ina procedura, senza che tut las datas gia registradas vegnian stizzadas?
 - Gea, quai è facilmain pussaivel cun il buttun «Arcunar il formular».

- Nua vegnan ils formulars arcunads?
 - Tenor Vossas configuraziuns en il browser; guardar configuraziuns / downloads. Las datas pudais Vus natiralmain arcunar en il lieu che Vus preferis.

- Co vegn jau a savair, sche l'inoltraziun da la dumonda cun agid dal spurtegl online è reussida?
 - Suenter che Vus avais inoltrà la dumonda survegnis Vus immediatamain in e-mail che vegn generà automaticamain cun ina conferma d'entrada.

- A tge serva la ID da la dumonda sin la quittance PFD?
 - Quai è in numer d'identificaziun precis. Tar dumondas po quest numer vegnir inditgà alternativamain al numer SIMIC, per che la dumonda possa vegnir chattada svelt en il sistem dal UMDC GR.

- Stoss jau infurmar mia vischnanca da domicil davart l'inoltraziun da la dumonda?
 - Na. Er la vischnanca survegn automaticamain ina copia da Vossa dumonda cumpletta incl. agiuntas.

- Tge custs resultan da l'utilisaziun dal spurtegl online?
 - I na vegnan mess a quint nagins custs supplementars per inoltrar la dumonda.

- Tge stoss jau far per annunziar ina midada d'adresa u per inoltrar ina naschientscha?
 - Per annunziar ina midada d'adresa u ina naschientscha stuais Vus sco fin ussa contactar la vischnanca da domicil ed ina dumonda correspudenta sto vegnir inoltrada là.